



Trg pravde 10, 76100 Brčko distrikt Bosne i Hercegovine; tel: 049/217-955; fax: 049/235-070; mail: pkbd@pkbd.ba
Трг правде 10, 76100 Брчко дистрикт Босне и Херцеговине; тел: 049/217-955; факс: 049/235-070; е-пошта: pkbd@pkbd.ba

Broj: SuPK-01-402/25-I
Brčko, 28.03.2025. godine

NAPOMENA: Konkurs je objavljen u „Službenom glasniku BiH“, broj 21/25 (oglasni dio), te u „Službenom glasniku Brčko distrikta BiH“, broj: 14/25. Rok za podnošenje prijave na konkurs od 30 dana ističe 26.05.2025. godine.

Na osnovu člana 14. stav (1) tačka d) Zakona o Pravosudnoj komisiji Brčko distrikta BiH („Službeni glasnik Brčko distrikta BiH“, br. 19/07, 20/07 i 20/08), člana 71. stav (2) tačka d) Statuta Brčko distrikta BiH („Službeni glasnik Brčko distrikta BiH“, broj: 02/10) i članova 27, 28, 29, 30, 31. i 33. Zakona o Pravobranilaštvu Brčko distrikta BiH („Službeni glasnik Brčko distrikta BiH“, broj: 18/20 – prečišćen tekst) na 267. redovnoj sjednici održanoj dana 28.03.2025. godine, Pravosudna komisija Brčko distrikta BiH, raspisuje:

JAVNI K O N K U R S
ZA POPUNJAVANJE UPRAŽNJENIH RADNIH MJESTA
U PRAVOBRANILAŠTVU BRČKO DISTRIKTA BIH

1. Zamjenik pravobranioca Pravobranilaštva Brčko distrikta BiH (na neodređeno vrijeme) 1 (jedan) izvršilac

Za zamjenika pravobranioca može biti imenovana svaka osoba koja ispunjava sljedeće opšte uslove:

- a) da je državljanin BiH,
- b) da je diplomirani pravnik,
- c) da ima položen pravosudni ispit
- d) da je osoba visokih moralnih kvaliteta i da posjeduje potrebno iskustvo i stručne sposobnosti u oblasti prava.

Kandidat pored opštih uslova mora ispunjavati posebne uslove:

- radno iskustvo – najmanje 2 (dvije) godine radnog iskustva u radu na pravnim poslovima, nakon položenog pravosudnog ispita u nekoj od institucija pravosuđa, advokaturi ili drugim institucijama

Za navedenu poziciju će biti izabrani oni kandidati koji dobiju većinu ukupnog broja glasova članova Pravosudne komisije, a prilikom izbora za zamjenika pravobranioca Pravosudna komisija mora odlučivati u punom sastavu.

Prilikom izbora pravobranioca i zamjenika, Komisija je dužna da razmotri da li kandidat ispunjava kriterije za obavljanje dužnosti pravobranioca i zamjenika, posebno vodeći računa o stručnom znanju i prethodnom radnom iskustvu, pokazanim profesionalnim sposobnostima kroz rezultate koji su postignuti tokom prethodnog rada, radnoj sposobnosti i sposobnosti pravilnog rješavanja pravnih pitanja, ugledu i sposobnosti kandidata da

nepristrasno, savjesno, marljivo, odlučno i odgovorno obavlja dužnosti na radnom mjestu za koje se njegovo postavljanje razmatra, sposobnosti komuniciranja i odnosu sa saradnicima i ponašanju van službe.

Osoba ne može biti imenovana za pravobranioca ili zamjenika ukoliko je: optužena pred Međunarodnim krivičnim sudom za bivšu Jugoslaviju (MKSJ), ili je osuđivana za krivično djelo na kaznu zatvora u trajanju od najmanje 6 (šest) mjeseci, ili je osuđivana za krivično djelo koje dovodi u pitanje njen integritet i sposobnost da vrši sudsku funkciju, ili bi njen prethodni rad i/ili profesionalne dužnosti bile nespojive s dužnostima u Pravobranilaštvu.

Nakon imenovanja, Pravosudna komisija dostavlja Skupštini Brčko distrikta odluku o imenovanju zamjenika pravobranioca na verifikaciju, a Skupština je dužna da u roku od petnaest (15) dana od dana prijema odluke o imenovanju zamjenika pravobranioca, trojetinskom većinom glasova zastupnika koji su prisutni i glasaju, donese odluku o verifikaciji imenovanja.

Ukoliko Skupština ne donese odluku o verifikaciji imenovanja zamjenika pravobranioca u propisanom roku, odluka Pravosudne komisije o imenovanju stupa na snagu i smatrat će se da je verifikacija od strane Skupštine izvršena.

Imenovanje zamjenika pravobranioca će se smatrati izvršenim nakon verifikacije imenovanja od strane Skupštine ili protekom roka od 15 dana od dana prijema odluke o imenovanju zamjenika pravobranioca u slučajevima kada verifikacija nije izvršena.

Skupština ima pravo, u postupku verifikacije, da trojetinskom većinom glasova zastupnika koji su prisutni i glasaju, stavi veto na imenovanje zamjenika pravobranioca u kojem slučaju će Komisija poništiti odluku o izboru i imenovanju i na tu dužnost će ili imenovati drugu osobu iz grupe prijavljenih kandidata, ili će ponovo objaviti konkurs za određenu funkciju u kojem slučaju se i postupak verifikacije ponavlja.

Formulari za prijavljivanje na ovaj konkurs mogu se podići u prostorijama Pravosudne komisije Brčko distrikta BiH, Trg pravde broj 10 ili na internet stranici Pravosudne komisije na adresi: **www.pkbd.ba**.

Svi kandidati sa potrebnim kvalifikacijama, uz prijavu, treba da prilože dokaz da ispunjavaju zakonske uslove za obavljanje ove dužnosti i to originale ili ovjerene fotokopije sljedećih dokumenata:

- izvod iz matične knjige rođenih,
- uvjerenje o državljanstvu,
- diploma o završenom pravnom fakultetu (za diplome koje su stečene u inostranstvu nakon 06.04.1992. godine, potrebno je dostaviti dokaz o nostrifikaciji),
- uvjerenje o položenom pravosudnom ispitu,
- uvjerenje/potvrda o radnom iskustvu,
- uvjerenje o nevođenju krivičnog postupka,
- uvjerenje o nekažnjavanju,
- ovjerenu izjavu da se na istog ne odnosi član IX stav 1. Ustava Bosne i Hercegovine,
- ovjerenu izjavu da u posljednje tri godine nije otpušten iz državne službe institucijama BiH, odnosno Entiteta i Brčko distrikta BiH, usljed pravosnažno izrečene disciplinske mjere.

Konkurs će biti objavljen na oglasnim tablama pravosudnih institucija Brčko distrikta BiH, na internet stranici Pravosudne komisije Brčko distrikta BiH (www.pkbd.ba), u Službenom listu Bosne i Hercegovine i Službenom glasniku Brčko distrikta BiH.

Rok za podnošenje prijava na konkurs iznosi 30 dana od dana posljednjeg objavljivanja konkursa u Službenom listu Bosne i Hercegovine i Službenom glasniku Brčko distrikta BiH

Obavještenje o isteku roka za podnošenje prijava bit će istaknuto na službenoj stranici Pravosudne komisije - www.pkbd.ba.

Popunjene prijave mogu se dostaviti lično ili poštom na adresu:
PRAVOSUDNA KOMISIJA BRČKO DISTRIKTA BIH,
76100 BRČKO, Trg pravde broj 10.

OPIS POSLOVA RADNOG MJESTA

1.

Pravosudna institucija	PRAVOBRANILAŠTVO BRČKO DISTRIKTA BIH
Organizaciona jedinica	-
NAZIV RADNOG MJESTA	Zamjenik pravobranioca Pravobranilaštva Brčko distrikta BiH
Opis poslova radnog mjesta:	-obavlja poslove pravne zaštite javne imovine, imovinskih prava i imovinskih interesa Distrikta, -preduzima radnje i mjere za zaštitu javne imovine, imovinskih prava i imovinskih interesa Distrikta, -vrši zastupanje i pravno savjetovanje organa, institucija i pravnih lica koja se u potpunosti ili pretežno financiraju iz budžeta Distrikta ili u odnosu na njih Distrikt vrši osnivačka prava, pred sudovima i institucijama u sudskim i upravnim postupcima, -vrši zastupanje Brčko distrikta BiH, organa, institucija i pravnih lica koja se u potpunosti ili pretežno financiraju iz budžeta Distrikta ili u odnosu na njih Distrikt vrši osnivačka prava, pred međunarodnim arbitražama i sudovima u sudskim i upravnim postupcima, -daje pravno mišljenje subjektima iz člana 7 Zakona o Pravobranilaštvu Brčko distrikta BiH, -obavještava pravobranioca o stanju zaštite zaštite imovinskih prava i interesa Distrikta, -obavlja poslove po nalogu pravobranioca iz djelokruga rada nosilaca pravobranilačke funkcije, -sarađuje sa drugim institucijama i organima, -obavještava javnost o radu Pravobranilaštva ili stanju u pojedinim predmetima, -prima stranke i daje im informacije o predmetu u skladu sa važećim propisom, -vrši i druge poslove koje je obavezan izvršiti posebnim

	zakonom ili drugim propisom.
--	------------------------------

PREDSJEDNIK
PRAVOSUDNE KOMISIJE

Safet Pizović